

Ex Libris P. Eremitar. Cama. Pulensium.


Biblioteka
Ojców Kamedulów
w Błeniszewie

IGNIS
ALTARIS,
&
DIVINI OFFICIJ,
Sive
COR ARDENS
IESV CHRISTI

Crucifixi Amore.

*Sacerdotis ad sacrosanctum Missa Sa-
crificium dignè celebrandum, & Divi-
num officium fructuosè persolvendum
se preparantis per ignita suspiria,
à Pio quodam Sacerdote*

COLLECTA.



*Superiorum Permissu,
Cum additamento Reimpressa*

CRACOVIAE, Typis Francisci Cezary,
S. R. M. ac Illustriss. & Rndiss. Dñi
Episcopi Cracov. Ducis Severiæ
Ordinarij Chalcographi.

Anno Domini 1712.

*P. P. C. Remitar Camaldulensium... fidel
Vignat*

In Gentilitium Insigne
P R Æ C E L S Æ
Domûs HOSIANÆ.



*Nobile quàm fueris corpus, tam nobile membrum
Nam scnit, ex toto, partibus, omnis honor.
Corporis est cuius; quavis? pars inclita, PES hic?
Est cuius summum CHRISTVS in Orbe Caput.
Ergo HOSIANA perënabit Domus hoc PEDE felix
Corpore qui tanto, nobilis Orbe stetit*

Bj Bieu B. V. 16
Alia... ..

Perillustri & Reverendissimo Domino,

D. STANISLAO
HOSIO,

Ecclesiarum Cathedraliũ Cra-
coviensis, & Culmenſis
CANONICO.

CELSISSIMI PRINCIPIS

Illustrissimi & Rndissimi Domini
Episcopi Crac. Ducis Severiæ,
GENERALI CAUSARUM
AUDITORI. &c.

Dño PATRONO COLENDISSIMO.



*N*ihil magis opportu-
num ac necessariũ,
quàm ut eo sæculo,
quo refrigescit cha-
ritas multorũ, En-
theus Divini amoris ignis ac-
cendatur. Perillustri & Reve-
rèdissime Domine, Quippe hoc

augustum & cedris dignum im-
mortalitatis opus, intentioni Chri-
sti Salvatoris nostri apprime con-
fime est, qui ignem venit mit-
tere in terram, & nihil aliud
vult, nisi ut ardeat. Totus la-
bor illius, omnis conatus Sancto-
rum Apostolorum, vastissima or-
bis climata peragantium, in id
solum incubuit; hoc vasto anhe-
lu & virium impetu egit, ut
Caelestis haec flamma accenderet
corda fidelium, & juxta anti-
quioris Divini oraculi praece-
ptum, ignis in altari cordium
assiduò arderet. Et ceriè licet
frigescente hoc aëre raru sit hu-
jusmodi Prometheus, qui de-
prompto a sole lustris igne, tri-
umpha-

umphales faces & ignitos Isaia
calculos circumferat, & frigen-
tes animas refoveat: Tibi ta-
men hæc palma nobilis, hæc de-
rivata a Majoribus, Augustior
adorea jure hereditario concessa
est, ut inflammatum cor Divi-
næ charitatis igne latere neque-
at, sed proximos incalescere fa-
ciat. Si eloquium Tuum dulce au-
scultaverimus, certè illud igni-
tum est vehementer. Si bono-
rum operum congeriem, quibus
lucæ velut inter ignes Luna
minores, spectaverimus; lucer-
næ sunt, columnæ sunt igneæ,
populum electum ad terram pro-
missionis ducentes. Si justitiæ
sacra adyta intraverimus; Tu in

illis Aristide æquior, auream
lampadem solis æmulam accen-
dis, quâ omnes obscuritates &
caligines, justum & honestum
obscurantes, discutis & dispellis.
Porro quidquid olim æternâ me-
moriâ dignissimi Majores Tui
in œcumenicis Concilijs pro fide
Orthodoxa augenda, conservan-
da, dilatanda, pro immunitate Ec-
clesiastica vindicanda, serenum
& lucidum gessere; quidquid
Magnus ille HOSIVS Episco-
pus Cordubensis, ante seculorum
myriades, plusquam Herculeo
labore, Augustū exegit; quidquid
sanctitatis jubar, encyclopædia
Divinæ humanæq; sapientiæ
STANISLAVS HOSIVS Præ-
sul.

ful & Dux Varmiensis, Sacrae
Romanae Ecclesiae Cardinalis, in
sacro Concilio Tridentino glori-
osissimus Praesidens, Os & Lin-
gua Ecclesiae Universalis arden-
tissimo boni publici zelo saeculis
memorandum perfecit, ac imi-
tandum viris Apostolicis reli-
quit, id totum in Te Tantorum
Nominum & meritorum Here-
de concentratum est. Tu haec
perennantis gloriae culmina col-
legisti. Cor igitur Caelesti fla-
mine accensum, ignem Divini
amoris assiduò ardentem, etiam
in hanc pagellam Tuo studio dif-
fusum, Tibi Perillustri & Re-
verendissime Domine, ad So-
lennia Divinissimi Praesulis

STANISLAI Regni *Poloniæ*
Patroni, Tuq; Tutelaræ, vene-
rabilis offero eo cum voto, ut
zelus iste, quo zelas, pro Domo
Domini Exercituum; ut ignis
hic Elianus duplici spiritu Tu-
telaræ Tui in immensum augea-
tur, laboresq; & merita, quæ pro
bono publico Sanctæ Matris Ec-
clesiæ & hujus amplissimæ Di-
œceseos gloriosè exantlasti, &
gloriosius exantlare contendis,
HOSIANIS Proavi Tui Hono-
ribus coronentur. Hoc precatur
Perillustri & Reverendissimæ
Dominationi Tuæ.

Devotissimus Client
& Servus.

F. C.



AD LECTOREM.

IN Tabernaculo antiquo ignem perpetuum ali præceperat Dominus, quem extingvi placulum fuisset; Quapropter dicitur *Levit: 6.* Nutriet Sacerdos subijciens ligna manè per singulos dies. Hic ignis designabat ignem illum Sacrum, quem Dominus venit mittere in terram, nempe corda fidelium, sed potissimum Sacerdotum. Hi enim cum ad Deum, qui Ignis consumens vocatur, *Deutor: 4.* quotidie debent accedere per varias functiones, novo semper egent Spiritu, novo Spiritus fervore, qui non consumit, sed perficit, non incineres, sed in Deum animas, continuo transformat. Verùm

A. S.

prò

prô dolor! in multis Sacerdoti-
bus prophetia illa adimpletur.
Supercecidit ignis, & non vide-
runt Solem: *Psal: 57*. Ignis iste
fumosus lucidissimum solis iubar
obscurans, ignis superbiæ est, ut
explicat *Divus Augustinus*. ignis
concupiscentiæ, ignis iracundiæ.
Non viderunt solem, de quo di-
cturi sunt illi: Sol non est ortus
nobis, quia vicit illos concupi-
scentia carnis. Hunc ignem vo-
cat *S. Bernard.* *serm: 2.* de Purific:
ignem alienum, quem si quis in
divino Sacrificio offerre præsum-
pserit, etiam si patrem habeat
Aaron, moneatur in iniquitate
sua.

Porro ignis alienus, ait Absa-
lon Abbas *serm: 25.* est luxuria,
quæ est in cubilibus & impudi-
cijs: ignis alienus est iracun-
dia, quæ est in dissensionibus, &
con-

contumelijs; ignis alienus est invidia quæ est in detractiõne alienæ virtutis. Ignis alienus, inquit *S. Ambros.* annot. 1. in *Levit.* est libido, ignis alienus est omne incendium in iustæ cupiditatis; ignis alienus omnis ardor avaritiæ. Hoc igne nemo mundatur, sed exurit. Sacrificia verò sua alieno incendunt igne, qui Deo servant, non ex amore, sed pro luero externo, ut *Joan.* *Rusbrochius* de Tabernaculo fæder. capite 116. scribit. De eadem re sic differit, *Paulinus Sanctissimus Nolæ Episcopus.* Epist. 29. ad *Aptum.* Ignem mihi alienum videtur accendere, quisquis corporeæ, vel sæcularis alicujus cupiditatis igem in Sacrario sui cordis accendens, audeat appropinquare altaribus Domini, quæ non recipiunt nisi illius

illius accensionem, de quo ait:
Ignem veni mittere in terram..
Hic solus ignis, igni resistet æter-
no. Sed dices fortè: Quomo-
do possum hunc ignem alienum
elongare à me ipso, si in peccatis
natus sum totus, & in peccatis
concepit me mater mea? Pre-
care Solem justitiæ, JESUM cru-
ci affixum, ut oriatur in te, &
præoccupet cor tuum in spiritu
ardoris. Dic cum S. Augustino:
Rogo te per illa salutifera vulne-
ra, hanc animam meam peccatri-
cem, pro qua etiam mori digna-
tus es vulnera: vulnera eam igneo
& potentissimo telo tuæ nimis
charitatis, ô Ignis qui semper
ardes, & nunquam obscuraris, il-
lumina me! ô utinam arderem
ex te, Ignis Sancte! quàm dul-
citer ardes, quàm secretè luces,
quàm desideranter aduris! vix ijs
qui non ardent te. Ardebat S.

Thomas Cantuariensis Archie-
piscopus, qui ita versabatur in
Altaris officio, acsi Passionem
Domini Jesu Christi coram se
agi vidisset. Quare & Sacerdo-
tis sacrificantis non alia sit
Oratio aut contemplatio, quam
unica & sola Christi pro nobis
passi, in hoc mysterio latentis,
recordatio. Memoria etenim
in obligatione hac agitur illius,
quam in sua Passione Dei Filius
nobis notam fecit excellentissi-
mæ charitatis, quâ nulla major,
nulla utilior, nulla amabilior, nul-
laq; oculis Divinæ Majestatis est
gratior; inquit S. Laurent: Justin:
ter: de Eucharist: S. Bernard: verò
tom: 4. fer: 4. Ciner: ait: Nisi
Oratio ponatur super Igne Cru-
cifixi, nil prodest, quia Ignis est
Christus. Quemadmodum autem,
ut Oleaver. inquit in c. 6. Levit.,

Tim.

Tribus solet ignis foveri : Lignis,
flatibus, & cineribus : sic & Divi-
nus Ignis, bonis operibus, quæ
per ligna designantur : Suspiriis
& gemitibus, quæ flatibus,
humilitate, quæ cinere adum-
bratur. Sanctus Philippus Ne-
rius, cum aliquando à quodam
interrogaretur; quantum præpara-
tio ad Missam requireret tempus?
respondit : Præparatio equidem
necessaria sed omnium excellen-
tissima, est jugis Sacerdotis inte-
gritas, ita semper viventis ut qua-
cunq; hora parat⁹ sit dicere Missam
& cōmunicare. *L. 1. c. 20. n. 17. vitæ.*
Quo non oportet esse puriorem
tali fruente sacrificio? quo so-
lari radio non splendidiorem
manum, carnem hanc dividenti?
os, quod igne spirituali repletur?
lingua, quæ tremendo nimis lan-
guine ruoescit. *S. Chrysost. l. 60.*

SV-P.



I

SVSPIRIVM I.

Ad

IESUM CRUCIFIXUM,

Ex agnitione indignitatis.

HEu Domine JESU Crucifixe,
quid sunt plagæ istæ in medio
manuum tuarum? his nimi-
rum plagatus es in domo eo-
rum qui diligebant Te, sed potissimum
à me.

Ego sum miser ille, & infelix Sacer-
dos, qui tibi tot vulnera infixi, Teq;
rursus peccatis meis, heu nimis multis
& magnis crucifixi.

Tu bone JESU coram Pontificibus
& Sacerdotibus, veluti reus fletisti, ut
ego factus genus electum, regale sa-
cerdotium sedere possem cum Prin-
cipibus populi Tui, & haberem lau-
dem.

dem in Nomine Tuo, & offerrem Tibi incensum in odorem suavitatis.

Tu dulcis JESU saturatus es opprobrijs, ut ego satiarer cum apparebit gloria Tua: faciem Tuam non avertisti à conspuentibus in Te, ut ego in Tuam aspicere æternum possem.

O me ingratum hominem! quid feci? pro tantis bonis, tanta reddidi mala, heu me quid feci?

O infelix anima, quomodo calamitates tuas depingam! Utinam potius nunquam fuisset, quàm DEUM vel semel offendissem, quid enim prodest vivere, & vivere iniquè.

Quis dabit capiti meo aquam, & oculis fontem lacrymarum? Quid dicam DEUS meus? multum datum est mihi, negare non audeo; sed cui multum datum est, nonne ab eo multum exigitur?

Datum est mihi, ut verbo & exemplo à corruptione luxuriæ, avaritiæ, invidia, servem alios &c. & ecce infatuatus ego in iisdem evanesco.

ALTARIS.

3

Væ mihi, qui ad hoc positus sum Sacerdos, ut orem pro populo, & tamen officio meo non fungor: qui in negotijs temporalibus, in vanis colloquijs, in mundi vanitatibus, in carnis delicijs &c. quotidianus; tam rarus verò & tepidus ad Altare Tuum invenior.

Quis es Tu dulcissime JESU, & quis sum ego? ut præsumam Te mittere in latrinam fatidam corporis mei, & animæ meæ? ut quid me fecisti, ut Tibi injuriam hanc grandem & execrandam facerem? mille enim lacrymarum anni non sufficerent, ad tam nobile Sacramentum semel dignè percipiendum, quantò magis ego miser indignus sum, qui quotidie pecco, incorrigibilis persevero, & in peccatis accedo.

Nota. S. Bernardus, licet tantâ vitæ innocentia refulgeret, attamen ad Sacrum Altare accessurus, toto corpore contremiscebatur. Vnde de semetipso ita scribit, Lib: de interior dom: c. 36. Hoc verò mihi est omni infelicitate miseriùs, quod ita opere perversus, ore pollutus, corde immundus

dus, ad Altare accedo, & Christi cor-
 pus manibus meis pertractare non eru-
 besco: accedo elatus ad humilem, ira-
 tus ad mitem; crudelis ad misericor-
 dem. *Quæ quidem verba ex summa humi-
 litatis motivo dicebat; ac verò, quot sunt hi-
 scæ temporibus, qui (quæ summa nostra mise-
 ria est) in hisce defectibus omnino culpabiles
 existunt.*

SVSPIRIVM II.

Ante Confessionem.

AD Tuos Sanctissimos pedes Cruci-
 fixè JESU pronus confugio, & totis
 animæ viribus clamo: ô JESU peccato-
 rum asylum, ne projicias me à facie
 Tua, nec à complexu pedum Tuorum
 in æternum me separari permittas!

Agnosco peccata mea Passionis &
 mortis Tuæ causam esse; quia ego ad
 illicita manus meas extendi, & pedes
 meos à via mandatorum Tuorum aver-
 ti, & in lemitis impiorum posui, ideò
 manus & pedes Tui clavis sunt perfo-
 rati.

Sed.

Sed doleo ô JESU, ex corde intimo doleo, non quia infernum merui, aut gaudia æterna perdidisti, sed quia Te offendi, qui summè bonus es!

Quoties ô inexhausta bonitas in ipsis peccatis morti me in spoliū permittere potuisses & æternū perdere, & huculq; tamen conservasti! Millenæ animæ in igne inextinguibili jam ardent, æternūq; ardebunt, & minorum, & pauciorum quàm ego scelerum reæ; & ego nondum ardeo, toties læsæ Majestatis reus. ô quantum infinitæ Tuæ misericordiæ debeo!

Pater peccavi, & super arenam maris multiplicatæ sunt iniquitates meæ, sed venio ut laver, ô fons vitæ æternæ, ad quem sitio ut cervus ad fontes aquarum. Venio ut illuminer ô lux mea! ut amem Te ô Amor æterne!

O Domine JESU! ô veritas mea DEUS meus! protestor coram Te hodie, quia sincero corde Te amare & complecti volo, & ideò confitebor Tibi, & non abscondam peccatum meum.

O Pa-

O Pater æterne, da meminisse peccatorum meorum! ô Fili DEI, da cognoscere & expendere! ô S. Spiritus, da timere mortem & hostes meos, & Te omne bonum non abhorre!

Propono in æternum non declinare à mandatis Tuis in conspectu Tuo DEUS meus, DEUS cordis mei. Ita statuo in præsentia B. Mariæ Virginis, & Sanctorum Tuorum, quos omnes in testes hujus desiderij mei, & auxiliares, maximè Patronos meos invo-co. Adjuva me ô JESU pro me Crucifixe unica spes mea!

Hic fiat Examen Conscientiæ.

Nota. S. Rainero, peccatum quodpiam in Confessione tacere cogitanti, angelus, ut integrè sancteq, confiteretur, persuasit, & præ verecundia tacenti, dixit: Raineri, peccatum tacuisti. Annus Celestis.

SVSPIRIVM III.

Post Confessionem.

O JESU pro me Crucifixe, quantum ego Tibi dolorum causa fui!

verè languores meos tulisti bone JESU, & dolores meos portasti.

O ardentissima Charitas quàm suaviter uris! quàm fortiter trahis in funiculis Adæ & charitatis, an adhuc resistam Tibi? & non detester iniquitatem meam?

Verè Tu ô JESU non vis mortem peccatoris, qui omnia ea, quæ rapuit peccator tam liberaliter in cruce exolvisti, sed magis ut convertatur & vivat.

Pro peccatore inobediente, factus es obediens, usq; ad mortem crucis: pro superbo, novissimus virorum: pro guloso in siti Tua aceto potatus, & vino felle & myrrha mixto: pro iracundo, velut ovis coram tondente obmutuisti: pro libidinoso, flagellis cæsus: pro avaro, corpus Tuum dedisti percutientibus; pro invido, inimicis & Crucifixoribus Tuis in Cruce ignovisti: pro pigro & deside, Tu clamore valido inter atrocissimos dolores in cruce pendens tres horas orasti, & pro reverentia Tua auditus es,

Verè

Verè non est similis Tui in Dijs Domine, quia misericordia Tua magna est super me, & eruisti animam meam ex inferno inferiori. Benedictum sit Nomen Tuum sanctissimum ò JESU in omnem aternitatem!

Ò Domine, ò Charitas DEUS meus! da mihi obsecro, ut non sit sanguis Tuus pro me fusus in vanum. Ardeat in me amor Tui, ne per teporem principatum meum accipiat alter. Ah JESU, confirma quod operatus es in me, ne fiant aliquando novissima mea, pejora prioribus.

In Sacrificium pro peccatis meis dulcissime Sponse animæ meæ, flagella illa Tibi propono, quibus delicatissimum Unigeniti Filij Tui JESU Christi corpus fuit laceratum; spinas, quæ sacrum illius caput penetrârunt; clavos, qui manus pedesq; transfixerunt; Crucem, quæ ipsum sustinuit; Lanceam, quæ incensum amore cor vulneravit; deniq; vulnera, quæ ipse pro me accepit,

ALTARIS.

9

Ob hæc omnia peto ô DEUS, con-
teri cor meum! ut contritum, & in
pulveres contritione redactum, Tuæ
charitatis igne accendatur, & in Sa-
crificium, & in Holocaustum svavita-
tis totum consumatur.

Nota. S. Ioannes Eleëmofynarius Episco-
pus, dum aliquando Missam celebrans,
offertorio iam vicinus, recordaretur pro-
ximum suum, aliquod contra se odium con-
cepisse, subitò sub alio pretextu Altare de-
scendit, & ad Clericum offensum adveni-
ens, se ad eius pedes prostravit, qui iram
Dei pertimescens, se quoq; in terram ante
pedes S. Viri abiecit placatus. Surius
23. Jan.

SVSPIRIVM IV.

Ante Celebrationem Missæ.

O Amantissimè JESU Crucifixe! ego
peccator maximus, celebrandi mu-
nere indignissimus, ad Sacrum Alta-
re Tuum accedam, ad offerendum il-
lud admirabile, immaculatum, cæleste
& sanctum Sacrificium, quod Tu Do-
mine

mine DEUS meus Sacerdos immaculatus instituiti, & offerri præcepisti, in commemorationem mortis & Passionis Tux, pro salute nostra, & pro quotidiana nostræ fragilitatis reparatione.

Suscipe me Domine JESU cum oblatione hujus Hostiæ immaculatæ, in laudem, gloriam, & beneplacitum Tuum, in unione illius oblationis, quâ Temetipsum, in Ara Crucis obtulisti, & Tempium Aterno Patri Tuo, infinitè gratum, una cum omnibus meritis vitæ Passionis, & mortis Tux repræsentata & offer

Doleo mi Domine Creator ac Redemptor meus, solùm ob amorem Tui, quod toties & tam gravitè Te DEUM meum peccatis meis offenderim, & hæcenus tam indignè secundum vocationem meam vixerim.

O JESU milerere! ô JESU ignosce! ô JESU parce penitenti, non amplius te offensuro! Ablue animam meam pretioso sanguine Tuo, adorna
cam

eam meritis & virtutibus Tuis, & gratum Tibi in ea hospitium præpara.

Extende sacratissimas manus Tuas ad amplexandam animam meam, sicut easdē perforatas manus Tuas inter maximos mortis dolores extendisti.

Veni ad me o unica salus mea! eligensq; Tibi sepulturam in me, sepeli me totum vicissim in Te, ut omnibus alijs mortuus, Tibi soli vivam, novum fervorem acquiram, novum hominem induam, & sic in fruitione mellifluæ Tuæ præsentiae, sit mihi perpetua in Te requies.

Nota. sequentia verba dic cum magno affectu, quæ Christus dixit S. Gertrudi L. 2. c. 19. quod qui tali intentione ad Communionem accederet, nunquam irreverenter accedere posset.

Et licet sciam me extremè indignissimum, imò execrandum & abominandum peccatorem, de ineffabili tamen pietate Tua confusus, eodem modo & intentione ad hanc Sacratissimam Corporis & Sanguinis Tui parti-

B

cipa-

cupationem accedo, ut amore amoris
& gloriæ Tuæ parvi pendam (etiam si
possibile esset) quod magnam damna-
tionem mihi in hoc Sacramento su-
merem, ut tantummodò divina pie-
tas Tua magis clarescat per hoc, quod
Te tam indigno non dedignaris com-
municare.

*Nota. S. Petrum Cælestinum Christus
monuit, ne à Sacrificio celebrando abstine-
ret, ob eas sordes, quæ in somno, etiam
castis corporibus possunt, animò invito,
accidere. Ann. Cælest. 19. Maij.*

SVSPIRIVM V.

Missa oblationis.

O Pater cælestis, da mihi virtutem
ad opus hoc maximum perficien-
dum, pauperculam animam & cor me-
um tepidum Tibi trado! ô Sancte
Spiritus accende cor meum, & ani-
mam meam igne charitatis purifica!

Ecce cælestis Pater recolens illam
mortem unigeniti Tui, offero Tibi
Hostiam hanc, quam ipse Tibi obtulit,
pro

pro mea & totius mundi salute.

Recordare illius Sacrosancti sudoris, quasi guttæ sanguinis decurrentis. Respice illam virgineam carnem, verberibus crudeliter flagellatam, sanguine cruentatam, spinis perforatam, clavis confixam, lanceâ vulneratam.

Respice obsecro, non mea peccata, sed in faciem Christi Tui, non enim in justificationibus meis prosterno preces ante faciem Tuam, sed in multitudine miserationum Tuarum.

O Bone JESU! rogo Te per illum amorem, qui Te incarnari, pati & mori cœgit, ut concedas mihi misero Sacerdoti, hoc Sacrosanctum Missæ Sacrificium, pura intentione, humili reverentia, ardenti desiderio, & summo fervore, Tibi offerre ad laudem & gloriam æternam majestatis Tux, ad honorem dulcissimæ Genitricis Tux V. MARIÆ, omniumq; Sanctorum, præcipuè N.

In protestationem supremi dominij Tui, in omnes creaturas, infinitæq;

B2

Tux

Tuæ majestatis. In sacrificium laudis & gratiarum actionis propter immensam gloriam Tuam, tunc collata omnibus omnino beneficia.

In Sacrificium Spiritûs contribulati ad satisfaciendû pro meis ac totius mûdi peccatis, In Sacrificium iustitiæ ad impetrandam gratiam, quâ omnes Te cognoscant, Tibi credant, in Te sperent, Te diligant, adorent, Tibi serviant, & sic salvi fiant.

Rogo Te igitur per viscera misericordiae Tuæ, ut idem suscipias, ac Patri Tuo offeras, in ea virtute quâ illi moriens, in cruce Spiritum Tuum tradidisti, ut vivis Tuam gratiam, defunctis requiem, nobis omnibus clementiam, vitamq; largiaris sempiternam. Per Mariam tamen offero pro N. secundario vero pro N.

Nota Per Orationem Ego volo celebrare Missam, &c. ante d. crum recitatum. ex concessione GREGORII XII. In aulgentia. 50. annorum acquirit: Quæ per Bullam INNOCENTII XI. non est revocata.

ORA.

ALTARIS:
ORATIO

15

Preparatoria ad Missam.

Ego in sceleribus à juventute mea,
miser, vilis & immundus; terra &
cinis, putredo, vermis & non homo,
qui toties DEVM offendi, proximum
læsi, mihi non pepercì. *Volo* DEI vo-
luntate, DEI beneplacito, DEI dispen-
satione, misericordia, gratia & beni-
gnitate; *Celebrare*, Rem maximam
Angelis non concessam contrectare,
de cælo DEUM advocare, in mani-
bus meis Filium DEI velut in visceri-
bus Matris ipsum complecti, Spiritum
Christi suscipere, Divina mysteria con-
templari, Angelorum reverentiam &
obsequium admirari, Passionis memo-
riam recolere, futuræ gloriæ pignus ac-
cipere, vivos & mortuos adjuvare.
Missam Passionis Christi repræsentati-
onem unigeniti DEI Filij sacrificium,
redemptionem humani generis, Tri-
nitatis gloriam, Angelorum lætitiā,
iustorum solatium, peccatorum veni-

B ;

am,

am, vivorum subsidium, mortuorum refrigerium. *Et conficere* Transubstantiare in Christi Corpus panem, & in ejus Sanguinem vinum omni humilitate, devotione, attentione & puritate; *Corpus* Divinum verum immortale, impassibile, gloriosum, Viatorum firmamentum, debilium robur, animarum nutrimentum; *Et Sanguinem*, qui est peccatorum omnium pretium, lavacrum criminum, ablutio macularum, Viatorum refectio, fons vitæ, salus mundi, tribulatorum condimentum suavissimum. *Domini Nostri IESU Christi*, qui est verus DEUS, & verus Homo, totus in cælo, totus in terra, totus in universo omnia complectens, omnia sciens, omnia prospiciens, & omnia disponens; *Juxta ritum Sacre Romane Ecclesie*, cui credo verbo & opere, semper intendo me subijcere & conformare, in qua opto firmiter vivere, & fiducialiter mori; *Ad laudem Omnipotentis DEI*, qui est, qui fuit, & qui futurus est in æternum,

num, ab omnibus laudandus, benedi-
cendus, & glorificandus, quærendus &
cognoscendus; *Totius Curia Trium-*
phantis, quæ est Mater nostra, hære-
ditas nostra, possessio, habitatio, feli-
citas & beatitudo nostra, ubi multi-
tudo laudantium & benedictentium
DEUM sine intermissione, *Ad utilita-*
tem meam spirituales, & corporales
salutem, ad beneplacitum Divinæ Ma-
jestatis, de cujus misericordia omnis
utilitas, bonitas & ordinatio, disposi-
tio vitæ meæ procedit; *Totiusq; Curia*
militantis, quæ est vallis lacrymarum,
miseria calamitatum, & militia nostra,
ubi multitudo languentium, cæcorum,
furdorum, claudorum expectantium
cælestis miserationis consolationem,
vitamq; æternam; *Pro omnibus qui se*
commendaverunt orationibus meis in ge-
nere & in specie. Ut habeant lumen ad
agnoscendum Te, intellectum ad di-
scernendum quidquid bonum, quid-
quid sanctum est, liberentur à malis
præteritis præsentibus & futuris & omni-

tempore observent præcepta Domini. Et pro felici statu sacra Romana Ecclesia. Ut Summus Pontifex, alijq; Prælati sancti, pii, & iusti in suo regimine conserventur, ut hæresium tempestates penitus profligantur, & sedentur, ut Principum Christianorum concordia in perpetuum servetur.

Gaudium cum pace, emendationem vitæ, spatum veræ poenitentiae, gloriam & consolationem. S. Spiritus, perseverantiam in bonis operibus tribuat nobis Omnipotens & misericors Dominus. Amen.

Nota 2. S. Laurentius Iustinianus Patriarcha Venetus ex quo die factus est Sacerdos non omisit celebrare, nisi ob valetudinem. Solebat verò dicere, quod qui cum posset Domino suo frui non frueretur, facile se declarare Domini sui curam non habere. Surius D. Jan.

Sacerdos non legitimè impediens celebrare omittens, quantum in eo est, privat sanctissimam Trinitatem laude & gloria, angelos letitia, peccatores venia, iustos sub-

*subsidio & gratiâ, in purgatorio existen-
tes veniâ, Ecclesiam speciali beneficio Cbri-
sti, & seipsum medicinâ ac remedio. V.
Beda. Unus sit dolor hac mensa priva-
ri. S. Chrysoft.*

SUSPIRIVM VI.

Ad B. V. MARIAM & sanctos.

FAc me Domine per Immaculatæ,
ac semper Virginis MARIÆ inter-
cessionem dona Tua dignè suscipere.

O Dulcissima MARIA! Te depre-
cor & exoro, ut mihi miserrimo pec-
catori in hac hora, quâ pretiosissimum
Filij Tui corpus & sanguinem oblatu-
rus & percepturus sum, assistere di-
gneris, sicut adititisti eidem unigenito
Tuo pro nobis in cruce morienti.

O Mæstissima Parens MARIA! im-
merge me quæso in immenso mari do-
lorum Tuorum, quod si id minus me-
reor, intunde ergo mihi guttulam
martyrij Tui; eâq; condi totam ani-
mam, & corpus meum, operationes

ac passionēs meas; ut in omnibus dolores Tuos sentiam.

Ne me despicias Mater misericordiæ, ob intolerabilem peccatorum meorum fæditatem, neq; avertas faciem Tuam à me, quem Filius tanto amore dilexit, ut pro me mori dignatus sit.

• Memento illius charitatis, quâ Verbum DEI ex Te carnem assumpsit, ut Tu fieres Mater nostra. Aperi manum Tuam, & imple me benedictionibus, quibus Te DEUS benedixit in æternum, ut Te interveniente, tremenda myſteria acceptabiliter perficere, & sancta sanctorum dignè merear degustare.

Vos etiam invoco omnes Sancti Angeli & Electi DEI, ut mihi vestram puritatem, humilitatem, charitatem, fervorem, ac devotionem, ceteraq; virtutes in hac hora donare dignemini, ut vestris suffultus precibus & meritis, Corpus & Sanguinem Christi devotè ac fructuosè suscipere valeam ad laudem ejus æternam, meamq; & proximorum salutem.

No-

ALTARIS.

21

Nota. B. V. MARIA, Gereoni, nocte Christi nati, Christum crucifixum (qui suo sanguine, de vulneribus manante, calicem totum implebat) videnti, & præ reverentiâ divine mensæ accumbere non audienti animos addidit, cum dixit: Tu te indignum cogitas; & quis, putas, tanta re dignus esse potest? Ann. Celest.

SUSPIRIUM VII.

Ante Consecrationem.

Cum illa, Domine JESU Christe humilitate, charitate & intentione, quam habuisti, & Sancta Catholica habet etiamnum Ecclesia, eadem in hac actione, Tua omnipotentia pronuntiabo verba: Hoc est Sc. Eodem affectu consecra & Calicem.

SUSPIRIUM VIII.

Ad Elevationem Hostiæ & Calicis.

Protector noster aspice DEUS, & respice in faciem Cariti Tui. Amo Te,

Te, & adoro toto corde & affectu,
Lava me in sanguine Tuo, & da mihi
pati pro amore Tuo.

Ignis qui semper lucet, amor qui
semper ardet, illumina & accende me,
ut citra condemnationem assistam me-
tuendo Altari Tuo. Per illam ama-
ritudinem, quam in cruce sustinuisti,
miserere animæ meæ in egressu suo.

SVSPIRIVM IX.

Ante Communionem.

ITa est Domine JESU Christe, non
tantum Te non sum dignus, sed in-
dignissimus, quia sum omnibus pec-
catoribus & diabolis & damnatis pe-
jor, & ex me abominabilior, indignus
omni bono, dignus ob innumera pec-
cata mea omni malo.

Innexus tamen nunquam fallenti
nec falli potenti veritati Tuæ, Credo
mi JESU Te esse in hoc Sacramento
verum DEUM & Hominem, in hac &
pro hac fide mori sum paratus, & cum
hac fide Te suscipio.

Spe-

Spero mi IESU, me aliquando visurum Te in gloria Tua. Amen, amen Domine mi. In hac spe suscipio Te

Amo Te mi IESU super omnia, quia summa bonitas es, in hoc & cum hoc amore suscipio Te; utinam hic cibus me transformet in Te, & lapideum pectus meum igne Tui amoris accendat, & disrumpat.

SUSPIRIVM X.

Post Communionem.

A Ve Dulcissime IESU, Domine meus & Deus meus, benedic quæso inopi & calamitoso exuli Tuo, accipe me in amoris Tui suavissimos amplexus, ut nullam præter Te amem pulchritudinem,

Avete venerabiles manus, pro me cruci affixæ; Avete pedes spetiosi, pro me clavis confixi. Ave latus pretiosum, pro me vulneratum. Ave Comitissimum IESU, meo & mei indignissimi peccatoris amore laucium.

Quid retribuam Tibi ô J E S U pro
tām

tam immenso beneficio, quod me Sanctissimo Corpore, & Sanguine Tuo pavisti, quid retribuam nisi amorem! hunc enim a me requiris, & ex amore me totum.

Transforma me totum in Te. Da mihi vivere semper in Te, & Tibi jugiter adhærere. Ingredere cubiculum cordis mei bone JESU, & illud posside in sempiternum.

SVSPIRIVM XI.

Post Celebrationem Missæ.

GRatias ago Tibi, Domine JESU, quia me vilissimum peccatorem admittere dignatus es, ad vivificum Tux mensæ convivium. Ignosce vilitati meæ, & fac me hominem secundum Cor Tuum.

Voca me dulcis JESU, ut videam Te, & in æternum potiar Te. Tu enim es Sponsus amantibus Te, & qui adhuc in timore Tibi serviunt metuendus Dominus.

Audi.

Audi Domine JESU suspirantem ad Te ex medio laqueorum, in montibus Gelboe, ubi, ubi eheu! ubi tot ceciderunt fortes Israel! Ecce velut in angusto & lubrico itamus, & hic subitus me Dracones & mille cuspides, infernus iple; circa me hostes, intra me ipsa fragilitas.

Tu DEUS meus supra me, cujus iudicia conturbant me, quem tot peccatis offendi longe plura committurus, nisi ebrium in præcipiti me tenuisset misericordia Tua: quod enim est peccatum, quod facit homo, quod non faceret alter homo, si Tu deus Rector, per quem factus est homo.

Et eheu? quid scio, quid serus vesper vehet? quando columnæ cæli obstupescunt, & stellæ de cælo ceciderunt? Tu solus servare me à lapu potes: DEUS in adjutorium meum intende, ut puro corde & corpore Tibi ministrare possim.

O Corpus sacratissimum quinque vulneribus lauciatum! pone Te ut igna-
culum

culum super cor meum, & imprime illi
charitatem Tuam. Obsigna pedes me-
os ut sequar vestigia Tua, obsigna ma-
nus, ut bona semper opera exerceam:
obsigna latus, ut ferventissimos amo-
ris Tui actus proferam in æternum.

O sanguis pretiosissime, qui omnem
hominem abluis & purificas! lava ani-
mam meam, & pone signum in faciem
meam, ut nullum præter Te amato-
rem admittam. O dulcedo cordis mei,
& vita animæ meæ, sicut Tu in Patre
& Pater in Te es; ita ego per gratiam
Tuam, unus Tecum sim amore & vo-
luntate: mihiq; mundus crucifixus sit,
& ego mundo;

Commendo Tibi, Tuæq; acerbissi-
mæ Passionis & mortis illos, pro qui-
bus orare teneor, & Tu rogari vis,
quique se meis precibus commendâ-
runt, vel commendatos esse cupiunt
aut expetierunt. Sanguini Tuo preti-
oso, pro nobis effuso, commendo ani-
mam meam, ut per illum expietur, &
virtutibus illis, quæ Tibi maximè pla-
cent exornetur.

La-

Lateri Tuo aperto Ecclesiam, quæ ex illo orta est, ut in illo sanctificetur. Capiti Tuo spinis compuncto, Summum Pontificem, Imperatorem, omnesq; Reges, Principes, & Antistites, tam divinarum, quam humanarum rerum.

Manui Tuæ dextræ hunc locum, & congregationem, ut hic vigeat humilitas, pax, charitas, obedientia, continentia, & pietas. Pedi dextro omnia negotia & necessitates nostras. Manui sinistræ, omnes qui me aliquo modo vel oderunt, vel molestia affecerunt. Pedi sinistro, omnes miseros peccatores maxime in peccato mortali jacentes, ut resipiscant, & ad dextram partem transferantur.

Flagellationi Tuæ, alijsq; injurijs à Te toleratis, Ethnicos, Hæreticos, & infideles, ut illuminentur, & ad veram fidem perducantur. Triumphali Titulo Tuo, scilicet: JESUS NAZARENUS REX JUDÆORUM, parentes, consanguineos, & benefactores meos.
Cruci,

Cruci, Religiosos omnium ordinum, ut crucem voluntariè recipiant, ac libenter Tecum bajulent. Angor trium horarum in cruce, omnes qui in necessitate, ac tribulatione aliqua constituti sunt, præsertim autem, qui in mortis agone versantur. Morti Tuæ deniq; omnes, qui in purgatorio detinentur, maximè autem N. N. pro quibus celebravi, ut consolati exultent in gloria Tua.

Nota. Magnus ille spiritualis Magister Ioannes Avila, cum audisset quendam regens Sacerdotio initiatum obijisse, petijt ab adstante, num aliquando celebrasset? altero respondente, semel duntaxat fecisse, subiecit Avila: Multum defert ad iudicem. redditurus rationem, quâ animi puritate, attentione, fervore, Eterno Patri invenientum sacrificium obtulerit, &c.

SVSPIRIVM XII

Ad B. V. MARIAM & sanctos.

REspice in me Gloriosissima V. MARIA, quia dignum objectum oculo

rum Tuorum nunc factus sum. Lo-
quere pro me bona dilecto Filio Tuo,
qui me Corpore & Sanguine suo sua-
vissime refecit, & offer ei merita Tua,
in supplementum imperfectionis meæ.
Gratias age ei pro me, & impetra
mihi, ut Sacramentali sua præsen-
tia non discedat à me, nisi relinquat
post se animæ meæ largissimam be-
nedictionem.

O Mare dolorum MARIA! sit mihi
cor Tuum Schola compatiendi Tibi,
& Filio Tuo, sit mihi palæstra & exer-
citiū patiendi pro Te, & pro Filio
Tuo. Fac me sapientem & eruditum
in Cruce & Passione Christi, & in do-
loribus Tuis, gladioq; cordis Tui, ut
Crucifixi JESU Spiritu ebrius amoreq;
saginatus, ac dignationibus ornatus,
verus illius imitator & socius in terra
& in cælo inveniar.

O scientissima miseriarum MARIA!
in Tuis & pro Tuis acutissimis dolori-
bus morior, & mori concupisco. In-
stans mortis meæ doloribus Tuis, &
dolo-

doloribus Filij Tui commendo, committo, communio. Animam meam in mortis meæ articulo, in manus Tuas deponere, atq; per eandem coram Filio Tuo, iudice meo, præsentatam comparare volo.

Nota. infra scriptam Orationem Sacerdotibus post Sacrum dicentibus, Indulgentiam plenariam URBANUS VIII concessit, quæ non est revocata per decretum INNOCENTII XI.

Ave Filia DEI Patris,

Ave Mater DEI Filij,

Ave Sponsa Spiritus Sancti,

Ave Templum totius Sanctissimæ Trinitatis.

Pater noster. Ave Maria, &c.

BOne pulcherrime Domine, dulcis meus Salvator miserere mei, & omnium animarum, tam vivorum quam defunctorum, quas redemisti sanguine Tuo pretioso.

Vos etiam omnes Beatorum Spirituum Ordines, Angeli, Archangeli, Throni, Dominationes, Principatus,

&

& Potestates, Virtutes Caëlorum, Cherubim & Seraphim, Sanctiq; DEI omnes, ego exul & Orphanus humiliter imploro, ut in conspectu Throni ejus voce unanimi Hymnum & laudem gloriæ ejus decantetis; collaudantes vivificæ Deitatis dignationem, quæ me indignum in perceptione Sacrosancti Corporis & Sanguinis Domini nostri JESU Christi dignata est respicere.

Nota. Petrus Blesensis ser. 41. in Syn. brachiorum apertorum, a q̃s in Sacrificio Missæ extensorum, hanc rationem assignat: Expansis manibus, tanquam crucifixus vero Crucifixo adlat. sacrilegue autem sacerdos iterum in patibulo extendit, iterum Christum crucifigens.

SACERDOS.

Indignè celebrans, renovat Passionem CHRISTI.

Rursum crucifigente sibi metipsis Filium DEI. Hebr: 6.

Iu-

Iudas CHRISTUM osculo Judæis tradidit, ita & malus Sacerdos: Dic Sacerdos, dic Clerice, qualiter eisdem labijs Filium DEI oscularis, quibus osculatus es labia meretricis? cum Iuda osculo Filium hominis tradis. inquit S. Hieronymus. Et S. Gregor. Mag. Qui corpus Christi indignè conficit, Christum tradit.

Judæi CHRISTUM projecerunt in lutum, sic & malus Sacerdos: Non enim minus est detestabile, in os pollutum, quàm in lutum mittere DEI Filium, ait D. Augustinus.

Judæi conculcârunt CHRISTUM, idem facit malus Sacerdos: Christum ille conculcat, qui de eo indignè participat, inquit S. Ambrosius.

Judæi conspuerunt faciem CHRISTI, ita spuit & Sacerdos indignè communicans. Quicumq; ad Altare Domini accedit inquinatus luxuriâ, iuxta Filium Virginis, idolum ponit Veneris, qui sacra illius verba Sacramenti, ore immundo profert, in faciem Salvatoris spuit, & cum
in os

in os immundum Sanctissimam carnem imponit, eam quasi in lutum platearum projicit, ait Petrus Blesensis.

JESUS veridicus impudenter in facie cæsus est, ita cædit & malus Sacerdos: Indignus Sacerdos ut est concubinari-
us, Simoniacus &c. quot verba in Canone recitat; toties in faciem Salvatoris spuit, dum illum levat, tunc impio pugno verberat, dum dividit, crucifigit, dum verò sumit, in cloacam immundissimi & indignissimi corporis sui projicit. S. Augustin.

CHRISTUS Dominus, quatuor vicibus fuit illusus à Judæis teste Jacobo de Vorag: ser: 1. Quinquages. His quatuor modis, (inquit ille) Sacerdotes mali videntur CHRISTO illudere. 1mò. Cum Caipha per amictum capitis, cum ipsum assumunt, quod designat spem caelestium, ipsi autem non serviunt in Ecclesia pro caelesti retributione, sed pro terrena cupiditate. 2dò. Sibi illudunt in veste alba cum Herode, cum ipsam induunt, que significat munditiam, ipsi autem non sunt mundi, sed & corpore impu-

impuri. 3^{to} In purpura cum militibus, cum induunt casulam purpuream, que significat latitudinem, & fervorem charitatis: Ipsi autem non habent vestem purpuream charitatis, sed sanguinolentam rancoris. 4^{to}. Cum Iudeis in cruce, qui eius verba perverterunt, & fidem deridebant. Ipsi verba DEI contemnunt, cum stolam, que significat gladium, id est, verbum DEI; in igne assumunt, & scutum fidei, que significatur per manipulum despiciant. Hinc S. Augustinus ait: Malem sustinere penam Caiaphæ, Herodis & Pilati, quam penam Sacerdotis indignè celebrantis.

Judæi CHRISTUM crudelissimè flagellârunt, sic & malus Sacerdos. Sanctus W. Akerpius Episcopus ostendit D. Hercule Christum, Ecce Homo! illi expallescenti, IESU carnificem, cuiusdam Sacerdotis impuritatem, esse dixit, præcepit, ut impurus a Sacris abstineret. Fasti Mariani: 8. April.

Judæi Coronam spineam CHRISTI Capiti imposuerunt; Et malus Sacerdos,

dos, non cessat ambitiosis, vanis, avaris, vindictæ cupidis, impuris, impijs cogitationibus, ipinis sanè longè gravissimis Salvatorem coronare, ejusq; dolores acerbius renovare. *Pudeat* ô Sacerdos sub sp. noso capite, membrum esse delicatum! ait S. Bernardus *Qui idem* spinis redimitus, ut nobis regni diadema compararet. D. Hieronymo teste.

Judæi Cruci affixerunt JESUM, idem facit Sacerdos indignè celebrans. S. Remigius sup. illud CHRISTI verbum Matt: 26. Væ illi, per quem Filius hominis tradetur inquit: *Ve tradentibus Christum ad crucifigendum, sed ve cum maligna conscientia, sub Sacramento sumentibus illum. Nam eisi non tradant ludæi ad crucifigendum, tradunt tamen inimici membris ad sumentum.* Et S. Ambrosius: *Qui indignè Christum sumit, idem ac si interficiat.*

Judæi CHRISTO acetum & fel potandum porrexerunt, at verò Bleienfis ait: *Damnabiliter peccat, qui ad Corpus eius cum felle conscientia prave.* *Et*

cum aceto iniquitatis accedit; Ubi quoq; sententiã allegat S Hieronymi dicentis: *Perfidus Iudam, perfidus Christi-
anus, ille de latere, iste de Calice Sanguinem Christi fundit*

Hinc S Chrysostomus Homil: 45 in Joan. Non secus puniendos indignè sumentes, quàm Crucifixores graviter asseverat: Si qui Regiam purpuram coinquinant, haud secus, quàm qui scindunt, puniuntur: quid mirum, si qui immundã conscientia, Christi Corpus accipiunt, idem supplicium subeant, quod, qui eum clavis affixerunt. Imò maioribus pœnis digni sunt, quia non solum æquale; sed multis nominibus gravius peccatum committit, qui indignè hoc Sacramentum sumit, teste. *Fornero Tom: 1. Conc: 55.* Illi enim (Judæi) CHRISTUM ex parte ignorabant esse DEVM: Tu DEVM tuum Salvatorem esse ais. Illi injurias intulerunt CHRISTO mortali: Tu eidem jam immortalis. Judæi tradiderunt CHRISTUM Gentilibus & carnificibus: Tu tradis eum

P.P. Premiserunt Carnaliterium.

eum dæmonibus, per peccatum in corde tuo habitantibus. Illi permiserunt eum in sepulchro novo & mundo collocari: Tu enim in fædissima corporis Tui cloaca: Illi permiserunt eum in sepulchro usq; ad tertiam diem requiescere: Tu eum citò pellis, quàm primùm suscepisti. Illi adhuc CHRISTI morte redempti non erant? Tu jam redemptus & saluificatus. Illi semel malè tractaverunt CHRISTUM: Tu quotidie peccatis tuis eum denuò crucifigis. Judas citò penituit, & malè accepta restituit dicens: *Peccavi, tradens sanguinem iustum.* Tu verò per annum, vix semel perfectè doles, vix unquam restituis, quod possides injustè. Illi in cruce affixerunt: Tu in sterquilinio corporis tui voluntariè obruis & deturpas. Collige ex his, an non peior sis ipso Judâ & Judæis? Unde verè Tertulianus exclamat: *Prochæcelus! semel Iudæi Christo manus intulerunt, isti quotidie corpus eius laceffunt, ô manus pracidende!* &c. Altius hîc ex-

clamandum in sacrilegos Sacerdotes,
 qui manus ad illicita extendunt: ô
 manus præcidenda! qui oculos in
 speciem mulierum conijciunt; ô oculi
 eruendi! qui sermones lascivos effu-
 tiunt: ô linguam evellendam! qui
 cogitationes & prava delideria corde
 foveant: ô cor configendû! *ne esse vi-
 deant ut veniant scandalata, sed va illi, per
 quem scandalum venit.*

Mais Clerici (juxta D Bernardum)
 dicturus est Dominus in Novissimo die la-
 dicy iusti: Illud quod acquisivi sanguine
 proprio; vos consumpsistis in apparatu re-
 gio, quod acquisivi sputis & flagellis; vos
 consumpsistis in theatris & scutellis, quod
 acquisivi coronam spineam portando, vos
 consumpsistis plumaria mollia capiti sup-
 ponenda, quod acquisivi fel & aetum,
 potando; vos consumpsistis vino & ne-
 clare inebriando, quod acquisivi manibus
 Crucifixu; vos contempsistis cum aleis &
 taxillis. Videte, (subdit D. Bonaven:)
 quanta à vobis, & in vobis, & pro vobis pas-
 sus sum, & tamen ingrati omnia contem-
 psistis.

phistis, & pro nihilo duxitis, Ite maledi-
ci in ignem aeternum. O grave pondus
(exclamat S. Bernardus,) o grave pe-
riculum honoris Sacerdotalis, nisi Sanctis
mysterijs illustratur dignitas unctio-
nis, nobilitate morum & exercitatione virtutum!
Vae vobis Sacerdotibus, qui iacetis in gre-
mio veneris, & in Altari sacrificatus Fi-
lium Virginis. Centum si placet demus
annos (inquit S. Chrysost. L. de repar.
lapsi) delicijs carnis & mundi delectati-
onibus, addas & decies centum, quae erit
ex his ad aeternitatem compensatio? Non
quid non omne tempus huius vite quasi
noctis unius somnium ad aeternitatis com-
parationem esse videtur? Est igitur ali-
quis ita demens, qui ut una nocte vide-
at somnium delectabile: velit & eligat
subire penas aeternas? O quam parva
est concubitus hora, exclamat S. Augu-
stinus L. de Conflictu vitae: quae perdi-
tur vita futura; quod autem emolamen-
tum affert, id, quod tam cito perducit ad
Tartara?

Obstupesco ego, quando confidero, quod S. Hieronymus in Epistola de se fatetur: *Cum iratus fuero, aut me nocturnum phantasma deluserit; Basilicas Martyrum intrare non audeo, ita animo & corpore contremisco.* Si sola indignatio quædam, si sola libidinis imago, per somnium representata, Sanctum virum arcebat, ab ingressu templi, ô Bone DEUS, quid de illis fiet, qui toto anno in volutabro luxuriæ jacentes, nec etiamsi confiteantur, peccata vetera, eorumq; proximas occasiones, deferere cupientes, ita tamen audacter ad Altare DEI accedunt, seseq; Sacræ ingerunt communioni? ô quantum & quàm atrox est crimen, quàm graviter, si non in hac, certè in altera vita, punientur!

S. Theresia Venerabile Corpus Christi sumptura, perspicuè vidit aliquos diabolos figuris expavescendos, quorum cornua ut annuli fortissimi circumplectebantur miseri guttur Sacerdotis, dixitq; intellexisse se animam
ejus

ejus peccato mortali fuisse inquinatam. *Lanuza ex vita eius.*

Narrat Palladius, in *vita S. Macarii Alexandr.* de quodam Sacerdote, cui ob temerariam præsumptionem, quæ ausus fuit celebrare Missam in fornicationis delicto, cancer totam faciem consumpserat, nec Macarius eum sanare volebat, nisi Altaris ministerio prius ejurato.

S. Gregorius Turonens. *de Glor. Mart.* c. 87. scribit, de Epachio Presbytero, qui tota nocte potitans, nihilominus celebrare præsumens; Sacra Hostiâ indignè sumptâ morbo comitiali arreptus in terram cadens, & instar equi hinniens, Sacram Eucharistiam evomit, & à diabolo strangulatus interit. Nstent hoc Sacerdotes illi, qui tot dies, imò & noctes usq; ad lucem matutinam potitantes, ludentes, tripudiantes, manè ut lucrentur aliquam pecuniolam, stant indigni, imparati, semiebrj ad altare, & sacrilegis manibus Sacra tractare non verentur.

Refert Cantipratanus *L. 2. Ap. c. 40.* de Sacerdote immundo, & tamen quotidie indignè celebrante, cui in vindictam os circa nalum & mentum, & lingua computruit; ita ut vix posset præfatore ab amicissimis sustineri. Et de alio in Gallia, se puerum audisse testatur, cujus manus super aram extensæ igne caelesti, usq; ad cubitos combustæ & consumptæ fuerunt.

Alteri cuidam sæpiùs indignè communicanti, sine voluntate à peccatis veteribus recedendi, dæmon paulò ante mortem, cum igneis Hostijs in ardenti patena apparuit dicens: *Quia frequenter indignè communicasti, hodie de manu mea infernalem communionem accipies.* Renitente illo, ac horrendissimè clamante: Dæmon hostiã unam super manum ejus jactavit, quæ terribili ardore suo, in momento, candentis instar ferri, manum perforavit. *Ioan: de Pron: In sum: Euchar. art. 11.*

Petrus Pipernus, qui sacrã purpurã mores tegebat non Angelicos, sed impuros,

puros, dum in templo Christi Corpus adoraret, in omnium conspectu à Dæmone interfectus fuit. *Cressolus Mystagog. L. 3. c. 24. p. 602.*

Ecce quid indigna Celebratio & Communio operetur etiam teste Sancto Paulo: *Accelerat mortem, & frequenter subitanæam & improvisam abbreviat vitam, immittit morbos, pestem & similes contagiones, spoliât vitâ aternâ, damnat in perpetuos ignes gehennæ, cum maior ista non possit Christo Domino iniuria fieri.* Ergo sit tibi cordi sacram Synaxim, dignè suscipere, ut redemptionis Christi fructum, tam in hac, quàm in altera vita possidere merearis; ut tibi sit vita, semper SALIGIA VITA.

Oramus autem DEUM, ut nihil malè faciatis: non ut nos probati appareamus, sed ut vos quod bonum est faciatis: nos autem ut reprobi simus. Non enim possumus aliquid adversus veritatem, sed pro veritate. 2. Cor: 13.

I G N I S DIVINI OFFICII.

UT in Divino officio non solum igneæ Divini Amoris cogitationes, sed & caro nostra exultet in DEUM Vivum, rogandus est Spiritus Sanctus, ut cor & labia nostra aperiat, & Ignem sui amoris in cordibus nostris accendat. Pro-
ut accendebat, quos vidit S. Mechtildis, quod è cordibus singulorum, qui Psalmorum verba in Horis Canonicis devotè & intentè pronuntiabant, vibratus quidam lucis radius iverit in cor DEI. *L. 1. Grat. Spirit. c. 12.* Ajunt P. Ludovicum de Ponte Divino Officio recitando intentum, conspectum illustrem, imminente Capiti ejus aureo lucis globo. *Cubus vita Lib. 2. c. 12.* S. Franciscus Xaverius ad pietatem vehementius accendendam, Hymnum *I em Creator* &c ante singulas Horas semper pronuntiabat, tanto ardore, ut ei cor è pectore exilire,

am.

animusq; deficere videretur. *Tussellin.*
vite eius L. 6. c. 5 Verum & me-
 moria JESU Crucifixi, est adjumen-
 tum & insignis ad animum in Orati-
 one colligendum accendendumq; in-
 dustria. Ita S. Gertrudis, in Invita-
 torio, quod quinq; constat versibus,
 ad singula vulnera Domini JESU
 Christi suaviter deosculanda solebat
 mente accedere, & Sangvine indeflu-
 ente, in Spiritu se aspergere: finiensq;
 in vulnere lateris & ejus corde, ibi
 remissionem & suppletionem defectu-
 um petebat, ac novam gratiam ad Of-
 ficiū rectè inchoandum & persolven-
 dum. B. Clara de monte Falco, pro
 quavis Hora Canonica assignaverat
 aliquod Mysterium Dominicæ Passio-
 nis considerandum, quo preteritis Offi-
 cio illud confecta est, ut omnia pa-
 tientis Christi insignia & instrumenta
 à morte in corde ejus Divina cœlatur-
 ra expressa reliquerit. *P. Lancia: Opuscul.*
7. c. 13 Laudat Gretserus *de disci-*
plina l. 1. c. 8. Petrum Cardinalem
 Damp

Damiani de S. Dominico Loricato
 alijsq; Sanctis, qui quotidie per omnes
 Horas Canonicas se disciplinâ, seu sco-
 pis cædebant in memoriam Christi fla-
 gellati. P. Petrus Claverus S. I. ora-
 turus in cubiculo, se coronâ spineâ co-
 ronabat, ad singula Divini Officij ver-
 ba impensè attentus. S. Ignatius cum
 Horas Canonicas recitabat, adeò to-
 tus in lacrymas liquecebat, ut prope-
 modum cæcus fieret. *vita eius c. 31.*
 S. Carolus Boromæus solebat flexis
 genibus totum Officium Divinum re-
 citare, idq; propter reverentiam illius
 quem alloquebatur. Quocirca fructu-
 osum & DEO pergratum exercitium
 est, illis horis volvere ista, & aspicere
 in JESUM pro peccatis nostris liga-
 tum, illulum, & consputatum, flagel-
 latum, & coronatum, in Cruce acer-
 ba elevatum, vulnere amoris circa cor
 transfixum, cum luctu tandem depo-
 situm, & cum mæore tumultum;
 tum ad singulas Horas Canonicas bre-
 viter vel voce, vel mente, hoc vel simi-
 li modo suspirare.

SV SPIRIVM I.

AD MATUTINVM.

Domine JESU, in unione illius Orationis, quàm in Horto angustiatuſ Patri obtuliſti. & tormentorum omnium quæ paſſionis Tuæ nocte pertuliſti, offero tibi hoc Matutinæ laudis obſequium, ut illud acceptare digneris in compenſam tot blaſphemiarum.

SV SPIRIVM II.

AD PRIMAM.

Domine JESU, in memoriam ſputorum, alaparum, convitiarum, illuſionum quas initio diei pro nobis pertuliſti, & Patri obtuliſti, hoc oris & cordis noſtri obſequium ſuſcipere ne dedigneris, ut Patri æterno gratum ſit in unione tui amoris.

SV SPI-

SVSPIRIVM III.

AD TERTIAM.

Domine JESU, in memoriam acerbissimæ flagellationis, & ignominiosissimæ coronæ Tuæ, Te modo orare, Te adorare cupio: & hoc sit obsequium servitutis meæ, quo Te Regem Æternum profiteor & agnosco.

SVSPIRIVM IV.

AD SEXTAM.

Domine JESU, in memoriam Crucis acerbæ, quàm bajulasti, in qua erectus es, & Te Patri Hostiam obtulisti, hoc laudis Sacrificium à nobis digneris suscipere, & Patri offerre, ut sit acceptum in oblationis Tuæ unione.

SVSPIRIVM V.

AD NONAM.

Domine JESU, in memoriam cordis Tui, tribus horis in cruce angustis

DIVINI OFFICII. 49

gustati, & post expirationem lanceâ apertâ, offero Tibi hoc precis & amoris obsequium, ut cor nostrum jun- gere digneris, Tuo cordi, amore in- separabili.

SVSPIRIVM VI.

AD VESPERAS.

Domine JESU, in memoriâ Ca- pitis Tui languidi, & Corporis Tui plagis undiq; affecti, e Cruce in- sinu Matris depositi, hoc Officium Ora- tionis suscipe, ut Tibi acceptum sit in- unione dolorum benedictæ Matris Tux.

SVSPIRIVM VII.

AD COMPLETORIVM.

Iomine JESU, in memoriâ un- ctionis, & sacre sepulturæ Tux, accipe hoc extremum officium ser- vitutis & devotionis nostræ divinæ, & ut Tibi gratum sit, conjunge cum lacrymis, quas Tibi tunc obtulerunt piæ animæ.

SVSPIRIVM VIII.

Post Officium pro supplemento negligentia prout B. Gertrudis divinitus est edocta. L. 3. c. 25.

O Bone JESU, propitius esto mihi peccatori. Ego tepidum & distractum Officium, commendo melifluo Cordi Tuo emendandum & perficiendum: Tibiq; offero ad salutem omnium, in unione illius perfectissimæ attentionis, quâ Patrem orasti & laudasti in terris. Responde quæso, satisfac, & supple pro me plenissimè.

Sive ut B. Mechtildis à Christo edocta, post singulas Horas, vel saltem septies de die quando libuerit suspiria: DEUS propitius esto mihi peccatori. seu Agne DEI benignissime & mansuetissime miserere mei: & per Temetipsum supple, quidquid in hac Hora neglexi.

Valent etiam ad animum colligendum & indulgentias impetrandas, ea quæ

DIVINI OFFICII. 51

quæ in Diurno Romano ante, & post
Officium dicuntur: *Aperi Domine Sc.
Sacrosancta & Individua Trinitati Sc.*

Gloria Patri, &c. cum magna sem-
per reverentia dicere assuescas; refert enim
Honor Soli: sup. *psal.* Quod quidam
Religiosus, qui Horas suas negligentem
dicere consueverat, post mortem alteri cu-
ipiam apparuerit: & interrogatus, quid-
nam ob præfatam negligentiam secum
actum esset? Responderit: Hanc se recu-
perasse per Gloria Patri &c. quod magnâ
semper reverentiâ dicere solitus fuisset.

Quem Cultum Sanctissima DEI
Mater comprobavit: nam vir San-
ctitate conspicuus, alijs in Ecclesia
psallentibus, vidit Beatissimam Virgi-
nem toties se profundè inclinantem,
quoties versiculus iste, *Gloria Patri Sc.*
caneretur. Causam verò scilicetanti,
respondit Deipara: quotiescunq; Hy-
mnus ille in laudem SS. Trinitatis in Ec-
clesia decantatur, totam curiam caelestem,
Eidem Gloriosissime Triadi se inclinare.
Raderus Aula S. Theodosij C. 42

Quan-

Quantum verò DEO displiceat in
 Horis Canonicis negligentia, præcepti
 quædam celeritas, absq; ulla ferè li-
 gnificatione reverentiæ, patet è vita
 S. Ludgardis, ubi divinitus innotuit,
 pestem, fuisse pænam culpæ istius. un-
 de quamprimum Horæ Canonice cum
 reverentia sunt recitatæ; pestis cessa-
 vit. *Scrius 16. Jun.* Nota est illa Ima-
 go Crucifixi, quæ de Cruce descen-
 dens, Monacho in Choro dormienti
 alapam infregit, è qua triduo post ob-
 dormivit in mortem. *Gobat de Sacro-
 num: 284.* Nota est illa Christi effi-
 gies in Oxoniensi Monasterio, quæ
 super Chori ostium pendebat, verso
 ad Monachos vultu, indignationem
 & subannationem erga ridentes in-
 ter divinas Laudes, & parum decen-
 ter se gerentes, indicavit, quam & il-
 li senserunt: nam ex tremendo fra-
 gore, & terrifico Christi vultu, eorum
 præcipui adeò perculsi sunt, ut pau-
 cis post diebus è vita excesserint.
Annal. Minor. 4. 1220. Notum est S.
 Seve.

Severini Colon: Archiepiscopi purgatorium ob coacervata intempeltivè Horarum Officia. *B. Petrus Card. Damian Ep. 15. Valer. Venetus, in Prat. Italic: c. 21.* scribit de Religioso tepido vidente in Choro dæmonem, qui pice liquata & alijs fædis liquoribus, potabat negligentes, tepidos, somnolentos. Picem verò ac fordes illas, eis in os cochleari ferreo & igneoingerebat: ut vel sic tùm illos, tùm eum qui videbat accenderet (licet invitus) ad concipiendum ignem amoris Divini, in Divino Officio. Meminit & alterius tepidam Religiosi dormitantis Orationem, DEI jussu à dæmone tùm verbis acerrimis, tùm fune ac verberibus, castigatam. Mancinus. *L. 10. disert: 1. de Passione Christi* ait Religiosum Sacerdotem visum in veru ad lentum ignem terreri, vim cruciatuum, suggerentibus fumiferis flammis è pagellis Libri, Breviarij, succensis, putavit is, qui hæc vidit, ea ostendi emendandæ præprope-
re

re cuiusdam in recitandis horarijs pre-
 cibus celeritatis. Quare cum dolore
 profundo & alta spe flagitanda est ve-
 nia, de tot bonis Horis Canonicis tam
 male collocatis, hoc est, recitatis. Quid
 nobis timendum non est; si S. Anno
 Colonien: Archiep à Christo castiga-
 tus est, ob non punitum Diaconum,
 qui cum eo Horas, *Gloria Patri &
 Spiritus Sancto, dixit. Filio præcipuit lin-
 gua omisso? teste Nebridio Ep: 71. B.*
 Petrus Damiani de Religioso comme-
 morat, eum ob neglectam ad *Gloria
 Patri &c.* reverentiam, post mortem,
 altissimæ columnæ e mari assurgenti
 colligatum, ibiq; diebus singulis cen-
 ties, & totidem vicibus nocte quavis
 profundissimè se inclinare coactum,
 donec supplēsset, fecissetq; satis omni-
 bus reverentijs omissis, aut neglectim
 exhibitis. Quo in tormento tanto se
 horrore concuti solitum affirmabat,
 ut in maris profundum se præcipitem
 agi, nec gravius supplicium apud in-
 feros reperiri crederet. Cæterum se
 hic

hic hæsurum usq; ad extremum judi-
cij diem, nisi precibus aliorum libe-
retur.

Monachus quidam post mortem,
consodaliū uni apparuit, & ingen-
tes purgatorij cruciatus, sese pati si-
gnificavit, causam addens, supinam
dum in vivis ageret, negligentiam su-
am, in recitandis Ecclesiæ consuetis
precibus, pro defunctis, eamq; ob cau-
sam, Sacrificiorum pro se celebrato-
rum, fructu in panam socordiae, omni-
no destitui, ita ut alijs sese digniori-
bus applicetur. *Chronicon S. Franci-
sci L. 9. c. 22.* Jacobus Cardinalis Vi-
triacensis ait, cuiusdam visum cacodæ-
monem ingentem sarcinam omissarum
in Horis Canonicis syllabarum in hu-
meris portasse in futurum DEI judi-
cium: *Hist. de Occid. l. 34* Quid
ergo faciemus, cum venerit ad judi-
candum DEUS? Ah DEUS Orationis
Magister unice! donum fac omissio-
nis ante diem rationis, & doce nos ita
orare, ut à Te impetremus Spiritum
ora-

orationis. Nam (ut ait Thomas à Kemp-
 pi de disciplin: claustr: c. 8.) pro quo-
 libet verbo, attentè prolato, iusto premio
 non privaberis. Quidquid etiam negli-
 genter persolveris; inde districtè punieris.
 Si verò aliquis anxius animi scrupulis
 agitur, de mente minus attenta in
 recitatione Horarum Canonicarum, co-
 netur ita semper ad orandum accede-
 re, ut DEUM velit adorare; Ecclesie
 præcepto satisfacere; necessaria, & uti-
 lia ad salutem impetrare. Nam ut
 docet S. Thomas 22. q. 83. a. 13.
 Etiam Sancti viri orando quandoq; eva-
 gationem mentis patiuntur. Deinde:
 Ad effectum meriti, non ex necessitate
 requiritur, quod attentio adsit Orationi
 per totum; sed vis primæ intentionis, quæ
 aliquis ad orandum accedit, reddit totam
 Orationem meritoriam. Etiam ad im-
 petrationem ait sufficere primam il-
 lam intentionem. Si autem inquit,
 prima intentio desit; Oratio nec merito-
 ria est, nec impetrativa Rectè dictum
 est à Poëta? Dimidiū facti qui benè ca-
 pit

DIVINI OFFICII. 57

p̄is habet, in singulis enim actioni-
 bus id imprimis curandum est, ut be-
 nē ordiamur. Nam ut ibidem docet
 S. Thomas: *In spiritu & veritate*
orat, qui ex instinctu spiritus ad orandum
accedit: Etiam si ex aliqua infirmitate
mens postmodum evagetur. Quia si DE-
 US imputaret nobis negligentias tem-
 poris quo oramus, & captivitates
 quas patimur dum psallimus, non
 possemus salvi fieri. *Dixit Abbas The-*
odorus L. 5. de vitis PP. libello 11.


Ignis ergo devotionis in-
 prava meditatione & Inten-
 tione exardescat, qui fœnum &
 stipulam distrahentium cogita-
 tionum comburat, & sic fiet to-
 tius Officij recitatio, Sacrificium
 acceptabile Domino in odorem
 suavitatis, quia nihil in Ecclesia,
 post usum Sacramentorum,
 D E O gratius est, recitatione
Hora.


§ 8 IGNIS DIVINI OFFICII.
Horarum Canonicarum. ut re-
velatum fuit Gratiano Capucino pio
Novitio, teste Nebridio Canonico Re-
gulari S. Augustini Epist: 64.

Concordet vita cum nomine,
professio sentiatur in opere.

*Ad Majorem DEI, & patien-
tis ac vulnerati Salvatoris, Ma-
rissimæq; atq; afflictissimæ
Matris Virginis ejus
M A R I Æ
Gloriam.*







Biblioteka Jagiellońska



stdr0024906



